



Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 36. Justiniani Cardinali obitus.

[urn:nbn:de:hbz:466:1-67246](#)

Sæcul. XVI.
A.C. 1582.

pit suæ explanationi in *Cantica Cantorum*, cujus tamen operis nonnisi fragmentum ad nos pervenit. Præter hæc anno a partu Virginis millesimo quingentesimo septuagesimo octavo librum suum concinnabat *de modo visitandi Monasteria*, ubi monitis cælesti prorsus prudentia repletis describit sollicitudinem, quæ tam circa res spirituales, quam temporales Monasticis Societatis impendenda foret. Denique quamplurimæ exstant epistolæ ab hac sancta Spiritus Magistra exarratæ, quas in unum volumen collectas Joannes Palafox Osmensis Episcopus notis illustrabat, quæ postea publico prælo divulgabantur unacum glossa, seu cantico in lingua Hispana concinnato, ac post sacram Communionem recitando.

§. XXXVI.

Justiniani Cardinalis obitus.

Ciacon. t. 3. *Razzius de*
pag. 1056. *Ord. Praed.* *Script. ejus-*
vit. illustr. *Echard de*
dem Ord. *família,* *qui* in *præfata Insula* *sedem*
fixerat, *die* *vigesima* *septima* *Augusti*
Anno *Salutis* *nostræ* *millesimo* *quingen-*
tesimo *decimo* *nono* *natus* *erat:* *cum*
autem *a* *piissimis* *suis* *parentibus* *edu-*
catus *Christianam* *pietatem* *cum* *lacte*
mater-

materno suggeret, dein percurso stu-
diorum stadio Ordinem sancti Dominici A.C. 1582.
in eadem Urbe ingressus solemni votorum sponsione totum sese Deo sacrabat, atque inde Genuam profectus Philosophiae, ac Theologiæ operam dabat: postea vero a Stephano Ufusmario Generali Ordinis sui Magistro Romam ducatus eidem a secretis inserviebat, quo munere per decem omnino annos cum tanta prudentia, ac nominis sui existimatione defunctus est, ut primo Angliae Provincialis, ac demum die vigesima octava Maji Anno Domini millesimo quingentesimo quinquagesimo octavo, ætatis suæ nonnisi trigesimo octavo Generalis Magister Ordinis sui renuntiaretur: postquam igitur in Galliis cuncta Ordinis sui Monasteria lustraverat, Tridentum se contulit, ubi Concilio Anno millesimo quingentesimo sexagesimo secundo, & tertio interfuit, inde autem redux Hispaniæ monasteria visitabat, atque anno Christi millesimo quingentesimo sexagesimo sexto Romam reversus Pio V. sua præstabat obsequia, a quo etiam Pontifice paulo post in Hispaniam rursus ablegabatur, demandatis secretis, maximique momenti negotiis, quæ tamen ipse cum prospero successu gerebat, cumque adhuc legatione apud Philippum II. Hispania-

Sæcul. XVI spaniarum Regem fungeretur, Papæ literas accepit, quibus ei nuntiatum, quod die decima septima Maji Anno Salvatoris nostri millesimo quingentesimo septuagesimo Cardinalis nominatus fuerit: insuper Indicis, atque Episcoporum, necnon Regularium Congregationi præfектus, simulque Ordinis Vallumbrosani Protector, atque Ordinis sui Vice-Protector nominatus est, præterea Abbatiam sancti Siri in Urbe Genuensi administrandam suscepit, illam tamen annuente Gregorio XIII. Clericis Regularibus Theatinis ultro cesserat: denique die Sabbati vigesima octava Octobris Anno post Christum natum millesimo quingentesimo octogesimo secundo, postquam sexagesimum tertium ætatis suæ annum cum duobus Mensibus expleverat, naturæ debitum solvit, sepultusque est in Ecclesia sanctæ Mariæ supra Minervam, ubi Sacellum in honorem sancti Thomæ Aquinatis, necnon Bibliothecam in usum Religiosorum extruxit, dotavitque: præterea ingens emolumentum literariæ Reipublicæ hic idem Cardinalis procurabat, dum anno a Christi Nativitate millesimo quingentesimo septuagesimo, divi Thomæ Aquinatis opera Romæ imprimi fecerat, in quibus plures ejusdem sermones nondum excusi

excusi prodierunt: edidit quoque Vin- Sæcul. XVI.
centius rerum Ecclesiasticarum colle- A.C. 1582.
ctionem, quam Thesaurum appellabat:
adhæc plures epistolas dedit ad Ordi-
nis suis religiosos, quibus eos ad vir-
tutis studium, ac Religiosæ vitæ exer-
citia hortabatur, nec minus Constitu-
tiones Fratrum Minorum novis addi-
tionibus illustrabat, tantaque existima-
tione etiam apud Turcas pollebat, ut
ejus opera fieret, quatenus Justiniani
e Chii dominio a Turcis expulsi, in pri-
stina libertate a Selymo Imperatore re-
linquerentur: pariter impetravit, ut in
eadem insula Christianæ Religionis ri-
tus publice profiteri valerent: præterea
plures exstruxit ædes, ut hujus fami-
liæ pauperibus subveniretur.

§. XXXVII.

Georgii Buchanani exitium.

Inter celebriores Scriptores hoc anno Spoud. an-
fatis functos pariter recensetur Geor- nal. hoc ann.
gius Buchananus Vir suo ævo ob in- num. 10.
genii sui aciem, scribendique facilita- Thuan. l. 76.
tem nominatissimus. Is anno Christi Teissier od-
millesimo quingentesimo sexto Kilber- dit aux elog.
næ in Levinia Scotiæ Provincia natus de M. de Thore t. I.
post prima Græcæ, ac Latinæ linguæ p. 578.
rudimenta apud suos hausta Parisios
venit, ubi per biennium studiis vaca-
bat: cum autem ibidem omni ope de-
stitutus